

Broj: 03-03-1. Vanredna . Elek. sjed- 430 /21  
Datum: 04. 05. 2021. god.

Na osnovu člana 104. stava (2) alineje f) Statuta Univerziteta u Sarajevu, Vijeće Fakulteta islamskih nauka Univerziteta u Sarajevu je na svojoj 1. vanrednoj elektronskoj sjednici održanoj 4. 5. 2021. usvojilo:

**ODLUKU O OBAVEZNIH ELEMENTIMA I PRATEĆIM DOKUMENTIMA  
IZVJEŠTAJA KOMISIJE SA PRIJEDLOMOM ZA IZBOR U ISTO ILI VIŠE  
AKADEMSKO ZVANJE**

Član 1.  
(Predmet Odluke)

Ovom Odlukom uređuju se obavezni elementi izvještaja komisije sa prijedlogom za izbor u akademsko zvanje (dalje: izvještaj) koji se dostavlja dekanu kao predsjedavajućem Vijeća Fakulteta, a u skladu s relevantnim odredbama članova 93.-115. Zakona o visokom obrazovanju Kantona Sarajevo (*Sl. novine KS*, 33/17, 35/20 i 40/20) i članova 192.-208. Statuta Univerziteta u Sarajevu (br. 01-1093-3-1/18 od 28. 11. 2018.).

Član 2.  
(Obavezni elementi izvještaja)

2.1. Obavezni elementi izvještaja iz člana 1. ove Odluke su:

2.1.1. Relevante odredbe Zakona o visokom obrazovanju, Statuta Univerziteta i odluka o imenovanju komisije na osnovu kojih se pristupa pripremi izvještaja;

2.1.2. Osnovni podaci o kandidatima koji su se prijavili na konkurs, uključujući informaciju o završenom univerzitetskom stepenu, odn. ciklusu studija i broju ostvarenih ECTS bodova, te prosječnim ocjenama na I i II ciklusu studija, u slučaju kada se predlaže izbor u saradničko zvanje;

2.1.3. Lista dokumenata koje su kandidati priložili uz prijavu na konkurs;

2.1.4. Zaključak komisije da li kandidat/i ispunjavaju formalne i proceduralne uvjete konkursa;

2.1.5. Biografski podaci o kandidatu čiji izbor u zvanje se predlaže, uz navođenje broja i datuma usvajanja odluke senata visokoškolske ustanove o prethodnom izboru u akademsko zvanje, u slučaju kada se predlaže izbor u isto ili više zvanje;

2.1.6. Lista objavljenih naučnih djela i naučnih radova iz oblasti u koju se predlaže izbor, objavljenih nakon posljednjeg izbora u zvanje.

Lista objavljenih naučnih djela obavezno sadrži:

- a) naslov djela,
- b) izdavač,
- c) ime i prezime koautora, ako se radi o koautorskom djelu,
- d) godina izdanja,
- e) mjesto izdanja,
- f) broj stranica.

Lista objavljenih naučnih radova obavezno sadrži:

- a) naslov rada,
- b) naziv časopisa/ zbornika radova i prateće podatke (godište ili svezak, broj, stranice),
- c) naziv naučne baze podataka u kojoj je časopis/ zbornik radova indeksiran (npr. EBSCO baze, CEEOL, Scopus i dr.), odn. podatke o međunarodnoj etabliranosti časopisa na polju islamskih studija/ međunarodnom karakteru zbornika radova,
- d) datum na koji je komisija izvršila uvid u naučni rad koji je dostupan javnosti isključivo u elektronskoj formi;

2.1.7. Informacije o naučnom i stručnom doprinosu kandidata, kao što su učešće u projektima ili, alternativno, na naučnim i stručnim skupovima (simpoziji, konferencije, okrugli stolovi, seminari i dr.), domaćeg ili međunarodnog karaktera, sa izlaganjem, ostvarenih nakon posljednjeg izbora u zvanje.

Informacije o projektu uključuju:

- a) naslov projekta,
- b) ime i prezime voditelja i ostalih učesnika projekta, ako se radi o timskom projektu,
- c) instituciju nositelja projekta i
- d) godinu u kojoj je projekat završen.

Informacije o učešću na naučnom ili stručnom skupu obuhvataju:

- a) naslov referata/izlaganja,
- b) naziv naučnog ili stručnog skupa na kojem je prezentiran,
- c) organizatora skupa,
- d) datum i mjesto održavanja skupa.

2.1.8. Podaci o realiziranim mentorstvima kandidata na II i/ili III ciklusu studija, odn. predbolonjskom magistarskom i doktorskom studiju, uključujući:

- a) ime i prezime kandidata čiji rad, odn. disertacija je mentorisana,
- b) naslov mentorisanog rada, odn. disertacije,

- c) datum i broj odluke Vijeća Fakulteta ili Senata Univerziteta o imenovanju komisije za ocjenu i odbranu rada, odn. disertacije i
- d) datum odbrane rada, odn. disertacije;

2.1.9. Zaključak o nastavničkim sposobnostima kandidata koji obavezno uzima u obzir:

- a) rezultate studentske evaluacije rada kandidata u nastavi u prethodnom periodu izbora u zvanje, u slučaju kada se predlaže izbor u isto ili više zvanje,
- b) nastavu održanu na drugim organizacionim jedinicama Univerziteta u Sarajevu ili na drugim univerzitetima,
- c) angažiranost kandidata na planu razvoja i inoviranja nastavnih planova i programa,
- d) uspjeh u napredovanju nastavno-naučnog podmlatka i dr.

Podaci o rezultatima studentske evaluacije rada u nastavi uzimaju se iz dosijea kandidata.

2.1.9.A. Obrazloženje da li se radi o izboru u (a) isto ili (b) više zvanje, odn. (c) prijevremenom izboru u zvanje;

2.1.9.B. Obrazloženje o ispunjenosti dodatnih uvjeta za prijevremeni izbor u više zvanje vanrednog ili redovnog profesora.

Obrazloženje obavezno sadrži informacije o tome da li je kandidat, pored ispunjavanja minimalnih uvjeta za izbor u zvanje, dodatno objavio najmanje tri naučna rada (za izbor u zvanje vanrednog profesora), odn. pet naučnih radova (za izbor u zvanje redovnog profesora) u citatnim bazama podataka (npr. Web of Science, Scopus i dr.) koje, pored osnovnih bibliografskih podataka o objavljenim radovima, sadrži podatke o citiranosti rada kandidata.

2.1.9.C. Zaključak o uspješnosti pristupnog predavanja koji uvažava ocjenu studenata o održanom predavanju, ukoliko se predlaže izbor u zvanje docenta kandidata koji nije ranije sudjelovao u realizaciji nastavnog procesa na univerzitetu.

2.2. Obavezni elementi iz stava 2.1. alineja 2.1.6 – 2.1.9.C. odnose se na izvještaj komisije sa prijedlogom za izbor u nastavno zvanje.

### Član 3.

(Obavezni prateći dokumenti)

Izvještaj, pored obaveznih elemenata iz člana 2., mora obavezno sadržavati slijedeće prateće dokumente koji se skeniraju i čine dostupnim članovima Vijeća uz izvještaj komisije:

- (a) kopiju naslovne stranice i impresuma objavljene knjige;
- (b) kopiju naslovne stranice objavljenog naučnog rada u indeksiranoj publikaciji i impresum publikacije;
- (c) ispis kojim se dokazuje dostupnost objavljenog naučnog rada u naučnoj bazi podataka ili ispis kojim se potvrđuje indeksiranost časopisa u naučnoj bazi podataka (ostvaruje se printanjem stranice na kojoj je ostvaren pristup naučnom radu, odn. indeksiranom časopisu putem baze podataka);
- (d) zvaničnu potvrdu/obavijest izdavača ili urednika časopisa kojom se dokazuje da je naučni rad prihvaćen za objavu sa naznakom datuma objave rada (najviše do dva rada);
- (e) kopiju naslovne stranice i stranice sadržaja realiziranog projekta, odn. dokaz o učešću na naučnom ili stručnom skupu;
- (f) kopiju odluke Vijeća Fakulteta ili Senata Univerziteta o imenovanju komisije za ocjenu i odbranu rada koji je mentorisan i
- (g) ispis koji se dokazuje dostupnost dodatno objavljenog naučnog rada iz člana 2. stava 2.1.9.B. u citatnoj bazi podataka, u slučaju da se radi o prijevremenom izboru u zvanje vanrednog ili redovnog profesora.

#### Član 4.

(Uvrštavanje izvještaja na dnevni red Vijeća)

- 4.1. Predsjednik komisije za pripremu izvještaja odgovoran je za osiguranje njegove usaglašenosti sa odredbama ove Odluke.
- 4.2. U slučaju da u radu komisije za pripremu izvještaja sudjeluju, u svojstvu člana ili predsjednika, lica koja nisu u punom radnom odnosu na Fakultetu, sekretar Fakulteta je obavezan dostaviti im ovu Odluku skupa sa odlukom kojom se imenuju u komisiju.
- 4.3. Dekan će uvrstiti izvještaj na dnevni red sjednice Vijeća Fakulteta ukoliko isti bude sadržavao obavezne elemente iz člana 2. i prateće dokumente iz člana 3. ove Odluke kojima se osigurava poštovanje relevantnih odredbi Zakona i Statuta Univerziteta o uvjetima za izbor u akademska zvanja.
- 4.4. Sekretar Fakulteta će dati mišljenje u pisanoj formi o tome da li je izvještaj napisan u skladu s ovom Odlukom i podnijeti ga dekanu, te priložiti ga uz materijale za sjednicu Vijeća.

#### Član 5.

(Obavezni materijali za sjednicu Vijeća na kojoj se odlučuje o izboru u zvanje)

- 5.1. Materijali za sjednicu Vijeća Fakulteta na kojoj se odlučuje o izvještaju obavezno uključuju:
  - (a) tabelarni pregled nastavnog opterećenja osoblja katedre iz kojeg se jasno vidi potreba za izborom u zvanje kojeg za sjednicu Vijeća dostavlja prodekan za nastavu;
  - (b) dinamički plan zapošljavanja akademskog osoblja i napredovanja u naučnonastavnim zvanjima u datoj akademskoj godini kojeg za sjednicu Vijeća dostavlja sekretar Fakulteta;
  - (c) izvještaj komisije sa prijedlogom za izbor u zvanje i
  - (d) prateći dokumenti iz člana 3. ove Odluke.

5.2. Obavezni materijali za sjednicu iz stava 5.1. alineje (a) ovog člana odnose se na izvještaj sa prijedlogom o izboru u zvanje koji implicira zapošljavanje novog člana akademskog osoblja ili prijevremeno napredovanje saradnika u nastavničko zvanje.

Član 6.  
(Stupanje na snagu)

Ova Odluka stupa na snagu danom njenog usvajanja na Vijeću Fakulteta i objavljuje se na web stranici Fakulteta.

Dekan:  
Prof. dr. Zuhdija Hasanović



Dostavljeno:

1x Dekan

1x Prodekan za nastavu

1x Prodekan za kvalitetu

1x Katedre

1x Ogl pl. /web

1x Uz zapisnik

1x a/a.